



<b>TIOTAL-OBACH</b>	<b>Neach-taic Sgioba-glanaidh</b>
<b>ROINN</b>	<b>Aoigheachd</b>
<b>AIR A STIÙIREADH LE</b>	<b>Am Prìomh Neach-Glanaidh</b>
<b>A' TOIRT STIÙIRIDH DHA</b>	-
<b>SGÈILE TUARASTAIL</b>	<b>£8.75 san uair (£15,925 sa bhliadhna)</b>
<b>ÀITE-OBACH</b>	<b>Sabhal Mòr Ostaig</b>

## Amas na dreuchd

A bhith a' glanadh agus a' cumail aig ìre àrd seòmraichean-cadail oileanach is aoighean, oifisean, seòmraichean teagaisg, seòmraichean co-labhairt agus àiteachan poblach (trannsaichean agus taighean-beaga), cho math ri a bhith a' cuideachadh a' cur an cèill sheòmraichean airson choinneamhan is cho-labhairtean. A bhith a' cur ri àrainneachd Ghàidhlig na colaiste tro bhith ag ionnsachadh no a' leasachadh sgilean cànan.

## Prìomh Dhleastanasan

### Glanadh agus sgeadachadh

- a' glanadh agus a' frithealadh seòmraichean oileanach/ aoighean, oifisean, seòmraichean teagaisg, seòmraichean co-labhairt fhad 's a bhithear a' cumail ri ìrean mathas na Colaiste
- iarraidh agus a' cumail smachd air stuthan glanadh nad àite-obrach
- cosg is a' cleachdadh èididh is uidheam dìona a gheibhear bho SMO mar a bhios iomchaidh
- aig amannan a bhith a' sgeadachadh sheòmraichean son choinneamhan agus a' toirt taic ri seirbhis teatha is a bhith ag ullachadh 'son chruinneachaidhean sòisealta sa Cholaiste

## Cùram luchd-ceannaich

- dèiligeadh ri luchd ceannaich gu dòigheil
- a' gabhail ri gearanan, beachdan is molaidhean sam bith agus a bhith ag innse dhan neach fhreagarrach

## Trèanadh

- frithealadh clasaichean Gàidhlig agus/no cùrsaichean goirid aig a' Cholaiste mar a bhios iomchaidh (mar phàirt den latha-obrach Diluain gu Dihaoine)
  - dh'fhaodadh e a bhith nach biodh clasaichean ann do luchd-obrach air cùmhnannt goirid
- dol gu cùrsaichean trèanaidh mar a bhios iomchaidh

## Poileasaidh na Colaiste

- tuigsinn is gabhail ri poileasaidhean na Colaiste, m.e. Slàinte is Sàbhailteachd
- toirt na h-obrach gu buil ann an dòigh shàbhailte a' toirt an aire do shlàinte is sàbhailteachd agad fhèin, nan aoighean, an luchd-obrach, nan oileanach agus dhaoine eile air àrainn SMO
- dèanamh cinnteach gu bheil aoighean, oileanaich, luchd-obach agus àrainn na Colaiste sàbhailte

*Tha Sabhal Mòr Ostaig na pàirt dhen Sgeama-fastaidh Cothroman-co-ionannachd*



## Eile

- nochdadh airson obair aig àm sònraichte
- cumail ri ìrean àrda de ghlainead pearsanta agus san àite-obrach
- coileanadh dhleastanasan mar a thèid iarraidh leis a' Phrìomh Neach-Glanaidh no an leas-cheannard
- ag innse don Phrìomh Neach-Glanaidh mu chàil a tha feumach air càradh, ma thèid sìon a bhriseadh, a ghoid, a chall, a lorg no ma nochdas cunnart sam bith
- gabhail ri dleastanasan iomchaidh eile mar a dh'iarraas luchd-stiùiridh Sabhal Mòr Ostaig

Is e seo tuairisgeul na dreuchd mar a tha e an-dràsta. Tha e àbhaisteach a bhith a' toirt sùil gheàrr air tuairisgeulan-obrach bho àm gu àm airson a bhith cinnteach gu bheil iad freagarrach airson na dreuchd agus a bhith a' cur an cèill atharrachaidhean reusanta mar a thèid a mholadh. 'S e an neach-obrach agus am manaidshear-loidhne a bhios an sàs ann an seo agus bithear an dùil gun gabh an neach-obrach pàirt sa phròiseas. 'S e miann Sabhal Mòr Ostaig aontachadh a ruigsinn air atharraichean reusanta ach mura gabh seo dèanamh faodaidh Sabhal Mòr Ostaig fhathast atharraichean reusanta a dhèanamh air an tuairisgeul-obrach a tha freagarrach dhan ìre tuarastail as dèidh conaltradh ris an neach-obrach.

Ceann-latha: An Gearran 2019

## Sgilean Pearsanta

### Sgilean riatanach

- comasach air obrachadh air do cheann fhèin
- comasach air obrachadh ann an sgioba agus cruthachadh dàimhean obrach matha aig a h-uile ìre
- deagh sgilean conaltraidh, an dà chuid labhairteach agus sgrìobhadh
- comasach air cumail ri cinn-latha
- comasach air iomadh dleastanas a thoirt gu buil aig an aon àm
- deagh sheirbheis do luchd-cleachdaidh
- deònach a bhith ag ionnsachadh/ a' leasachadh do chuid Gàidhlig

### Sgilean mionnaichte

- Gàidhlig
- eòlas air obair-glanaidh agad mu thràth

**Ùine pròbhaidh:** 3 mìosan    **Ùine rabhaidh:** 1 mhìos

*Tha Sabhal Mòr Ostaig na pàirt dhen Sgeama-fastaidh Cothroman-co-ionannachd*



## Fios a bharrachd

### Uairean gach seachdain

35 uairean gach seachdain, ag obair 5 làithean a-mach à 7 a' gabhail a-steach an deireadh-seachdain. Dh'fhaodadh e bhith gum bi barrachd uairean ri fhaighinn tron t-seachdain air neo ma tha cuideigin eile dheth tinn no air saor-làithean.

### Saor-làithean

Gheibhear 35 saor-làithean agus tha sin a' gabhail a-steach saor-làithean poblach (bidh 10/12 làithean dhiubh aig àm na Nollaig is na Bliadhn' Ùr).

### Sgèile tuarastail

Sgèile £15,925 sa bhliadhna.

Thèid an tuarastal a phàigheadh gu cùnntas-banca ainmichte air an latha-obrach mu dheireadh de gach mìos.

Gheibh a h-uile neach-obrach measadh bliadhnail le neach-stiùiridh gus luchd-obrach a chuideachadh cumail ri ìre àrd de sheirbheis, an aire a thoirt air feumalachdan trèanaidh agus a' toirt taic do leasachadh pearsanta gach neach-obrach.

Tha Sabhal Mòr Ostaig ag amas air làn-thaic a thoirt dhut ann a bhith ag ionnsachadh agus a' leasachadh do chuid Gàidhlig agus tha farsaingeachd de chothroman ionnsachaidh ann.

## Fiosrachadh mun a' Cholaiste:

'S e colaiste foghlaim adhartach agus aig àrd ìre a th' ann an Sabhal Mòr Ostaig. Tha e a' gabhail a-steach rumannan-teagaisg, oifisean agus àiteachan-fuirich.

Tha mu 70 oileanaich is 60 neach-obrach air àrainn na Colaiste. Rè na bliadhna bidh iomadh tachartas ann a leithid co-labhairtean, bainnsean agus cùrsaichean goirid a mhaireas fad seachdain. Tha a' cholaiste cuideachd a' cur fàilte air mòran dhaoine cudromaich is ainmeil.

## **Tha Sabhal Mòr Ostaig na phàirt dhen Sgeama-fastaidh Cothroman-co-ionannachd.**

## **Feumaidh an neach-iarrtais soirbheachail a' dol tro sgeama disclosure Scotland agus teisteanasan a thoirt seachad.**

Tha sgeama-pheinsein na colaiste fosgailte dhan a h-uile neach-obrach.

### Iarrtasan:

An cuir sibh ur n-iarrtas deiseil gu:

An Roinn Sgiobachd

Sabhal Mòr Ostaig

Teangue

An t-Eilean Sgitheanach

IV44 8QR

No ann am post-dealain gu: [obair@smo.uhi.ac.uk](mailto:obair@smo.uhi.ac.uk)

*Tha Sabhal Mòr Ostaig na pàirt dhen Sgeama-fastaidh Cothroman-co-ionannachd*



## **Latha mu dheireadh airson iarrtasan: ro mheadhan-latha Dihaoine 30 An t-Sultain 2016.**

'S e àrainneachd ionnsachaidh àraid a th' ann an Sabhal Mòr Ostaig agus e an aon àite san t-saoghal far a bheil foghlam àrd-ìre air a thoirt seachad agus a' cholaiste air a ruith tro mheadhan Gàidhlig na h-Alba. Tha Sabhal Mòr Ostaig suidhichte ann an àite air leth àlainn air an rubha Shlèite air an Eilean Sgitheanach.

### **Amas na Colaiste**

Tha Sabhal Mòr Ostaig airson a bhith na ionad shàr-mhathais airson leasachaidhean na Gàidhlig agus dualchas nan Gàidheal le bhith a' tairgsinn foghlaim aig ìre àrd, trèanaidh agus cothroman rannsachaidh tro mheadhan na Gàidhlig; agus a' cur ri leasachadh sòisealta, dualchasach agus eacanomaigeach le bhith a' dol an sàs ann an dòighean ùra còmhla ri daoine, coimhearsnachdan agus gnìomhachasan.

### **Cùl-fhiosrachadh mun a' Cholaiste**

Stèidhichte ann an 1973, tha sàr-chliù aig a' Cholaiste gu eadar-nàiseanta airson a bhith na h-ionad airson cànan agus cultar nan Gàidheal. Ged as e colaiste bheag spèisealta a th' innte, tha Sabhal Mòr Ostaig a' toirt seachad foghlaim luachmhoir, an dà chuid adhartach àrd-ìre, cho math ri cothroman rannsachaidh. Tha a' Cholaiste mothachail air dè cho cudromach 's a tha e bunait làidir a chumail airson a' chànan, nan ealan is a' chultair Ghàidhlig air fad agus tha i an sàs ann an iomadh pròiseact as leth sin.

'S e colaiste ùr-ghnàthach a th' ann an Sabhal Mòr Ostaig agus tha e na chom-pàirtiche de OGE. Tha goireasan ionnsachaidh air leth aig a' cholaiste, nam measg cruinneachadh leabhraichean ionmholta, àiteachan-fuirich agus goireasan cùraim-chloinne tro mheadhan na Gàidhlig air an làrach.

Tha Sabhal Mòr Ostaig na Colaiste ùr-ghnàthaichte na pàirt de Ionad na mìle bliadhna OGE. The deagh goireasan-ionnsachaidh aig a' cholaiste, a' gabhail a-steach cruinneachaidh ainmeil leabhraichean ann an Leabharlann na Colaiste, àite-fuirich air an làraich agus ionad cùram-cloinne tro mheadhan na Gàidhlig.

An-dràsta tha mu 100 oileanach againn a' dèanamh chùrsaichean làn-ùine, mu 300 chùrsaichean air-astar agus bidh suas ri 900er a' clàradh airson chùrsaichean goirid gach bliadhna. Tha measgachadh oileanach aig a' cholaiste, le farsaingeachd aoisean is nàiseantachd. Ged a thig a' mhòr-chuid de na h-oileanaich againn bho taobh a-staigh Alba agus an RA, tha Sabhal Mòr Ostaig air fàilte a thoirt do dh'oileanaich bho a leithid Amaireaga a Tuath, Tìr-mòr na Roinn Eòrpa agus Àisia. Tha ar luchd-ceumnachaidh air dol air adhart gu obraichean Gàidhlig ann am mòran seòrsaichean de ghnìomhachasan, a' cleachdadh nan sgilean aca agus an cànan a chumail an àrd agus a leasachadh.

Na àite ionnsachaidh beothail, tha Sabhal Mòr Ostaig ag amas air cur ri coimhearsnachd Ghàidhlig soirbheachail is misneachail. Tha fàilte chridheil air a h-uile duine.

*Tha Sabhal Mòr Ostaig na pàirt dhen Sgeama-fastaidh Cothroman-co-ionannachd*